



UNIVERSITÄTS-
BIBLIOTHEK
PADERBORN

Universitätsbibliothek Paderborn

Anthologia Sacra

Ex Probatissimis Vtrivsqve Linguæ patribus collecta, atque Octastichis
versibus comprehensa

Billy, Jacques de

Parisiis, M.D.LXXV.

Mundi desideria amputanda esse, vt ad Deum mens nostra efferatur. 78.

[urn:nbn:de:hbz:466:1-50828](https://nbn-resolving.org/urn:nbn:de:hbz:466:1-50828)

quæ in die hiemali, id est in tem-
pore tentationis, ingruente im-
pugnatione diaboli, expellitur
mens de habitatione virtutum.

Mundi desideria amputanda es-
se, ut ad Deum mens no-
stra efferatur.

78.

*Cum nequit, in latum quia sese porrigit, arbor
Crescere, tum frondes falce putare decet.*

Ut fluvius retrò properet, vi sistere cursum

Est opus: ac versis ille recurreret aquis.

Ergo diu hesisti quicumque in gurgite fœdæ

Criminis, & flamma iam meliore cales:

Scinde superuacuum lascivæ carnis amorem:

Ac citò sublata sidera mente petes.

SCHOLIA.

Cum nequit) Si à carne, inquit *Lib. 3*
Gregorius, hoc quod libet, ab- *cap. 18.*
scindimus, mox in spiritu quod
delectet inuenimus. Ac paulo
post: Intentioni quippe animæ si
exterior euagatio clauditur, inte-
rior secessus aperitur. Nam quò

extra se spargi propter disciplinā
mens non potest, eò super se ten-
dere per profectū potest, quia
in altum crescere arbor cogitur,
que per ramos diffundi prohibe-
tur. Et cū riuos fontis obstruim⁹,
fluenta surgere ad superiora pro-
uocamus. Eodēque modo Gre-
gorius Naz. hac similitudine vo-
tur: Quemadmodū aqua plūbe-
tubis inclusa atque cōpressain-
tū exilire cogitur: ita animus hu-
manus ab exterioribus occupa-
tionibus per seueriorē quādam
disciplinam reductus atque in se
collectus, facilè postea ad Deum
assurgit, atque ad cœlestia aspira-
t. Sicque etiā basili⁹: humana mens
externè minimè dispersa, nec per
sensus in mundum diffusa, ad Deum
confestim redit, atque à se pos-
stea ad Deum euadit. Vnde Aug-
ustinus docēs quemadmodum

*Orat. in
dict. E-
wang.*

Epist. i.

*Tract. in
Psal. 34.*

se quisque gerere debeat, cū per
 summam iniuriam & contume-
 liam ab impiis diuexatur, nullum
 præsentius in ea re adhiberi re-
 medium posse ait, quā si seipsum
 in se colligat. Nullum maius,
 inquit, nullum melius negotium
 est in tribulatione, quàm recede-
 re ab eo strepitu qui foris est, &
 ire in interiora mentis secretaria:
 ibi Deum inuocare, vbi nemo vi-
 det gementem & subuenientem:
 illius cubiculi aduersus omnem
 extrinsecus illatam molestiam o-
 stium claudere, humiliare seip-
 sum in cōfessione peccati, magni-
 ficare & laudare Deum, & corri-
 pientem, & consulentē. Huc itē
 facit quod Gregorius hæc verba
 lob exponēs, Verbose amici mei,
 ad Deum stillat oculus meus,
 Cūm & ipsi, inquit, derogant,
 qui in fide sociātur, ad Deum ne-

*Lib. 13.
 Mor. ca.
 14.*

cesse est vt oculus stillet, quate-
 nus nostra intentio, tota in amo-
 ris intimi cōpunctione defluat,
 & tanto subtilius se ad interiora
 erigat, quanto per exteriora op-
 probria repulsa intus redire co-
 gitur, ne foris euanescat. Id nimi-
 rum fecisse Basilium ex ipsius ad
 Patrophilum epistola constat, in
 qua ait Deum hac de causa vo-
 luisse vt variis calumniis exagi-
 taretur, vt in posterum vigilan-
 tiore animo esset, nec ad homi-
 nes respiceret, sed vitam omnem
 suam ad Euangelij præcepta, in
 quæ nulla mutatio cadit, exige-
 ret. Atque ad eundem modum
 Bernardus, cum in Eugenij papa
 eiusque purpuratorum offensio-
 nem incidisset, tantum ab eo ab-
 fuit, vt hoc nomine aduersus
 Deum murmuraret, vt etiam his
 verbis vteretur: Benedictus Deus,

Episto.
 306.

qui & hoc, quod dederat, & de quo mihi fortè immoderatus blandiebar, solatium ante exitum tulit, vestram scilicet & Domini mei Eugenij gratiam: vt vel proprio experimento discam nō ponere spem meam in homine.

Charitatis perfectionem in hoc sitam esse, vt iudicij diem desideremus.

79.

*Dum vir abest, vxor quam sit adultera, quam
 Sit proba, perspicuis noscitur indicij.
 Casta etenim plena est lachrimis absente marito:
 Illius at longas optat iniqua moras.
 Sic pia mens superi reditum sitit vsque marito:
 Ac desiderio nocte diēque gemit.
 At, quoniam thalami sanctissima iura resoluit,
 Eius mens reditum perfidiosa timet.*

SCHOLIA.

Dum vir abest) Argumentum huius Octastichi ad verbum ferè ex Augustino transcriptum est,